

ՌՈՒԲԷՆ ԱՐՔԵՊԻՍԿՈՊՈՍ ՄԱՆԱՍԵԱՆԻ ԶԵԿՈՒՑԱԳԻՐԸ ՀԵՌԱԽՈՐ ԱՐԵՒԵԼՔԻ ՀԱՅ ՀԱՄԱՅՆՔՆԵՐԻ ՄԱՍԻՆ

ԱՐԾՈՒԻ ԲԱԽՉԻՆԵԱՆ
artsvi@yahoo.com

Հայաստանի Ազգային Արխիվի Էջմիածնի Գերագույն Հոգետոր Խորհրդի ֆոնդերում պահում է Ռուբեն արքեպիսկոպոս Մանասեանի (1886–1955)՝ Ամենայն Հայոց կաթողիկոս Գեորգ Ե.ին ուղղած զեկուցագիրը՝ գրում 1925ին Սիրիի եւ Հեռատոր Արեւելք կատարած ուղեւորութեան մասին (ֆոնդ 409, ցուցակ 1, գործ 1313, վաւերագիր 50-56):

Ռուբեն Արք. Մանասեանը հայ եկեղեցու պատմութեան ամենից գայթակղայից դէմքերից է, գործելով Իրաքում եւ Իրանում՝ որոշակի դեր է կատարել տեղի հայ համայնքների կեանքում:

Զեկուցագիրը պարունակում է նաեւ արժէքատու տուեալներ՝ 1924-25ի Սիրիի եւ Հեռատոր Արեւելքի հայութեան վերաբերեալ:

Կատարել ենք ուղղագրական մանր հպումներ եւ կէտադրական շտկումներ:

Նորին Վեհափառութեան Տ. Տ. Գեորգ Ե. Կաթողիկոսին Ամենայն Հայոց

Ս. Էջմիածնի նոփրակ
Ռուբեն Ծ. վարդապետից
Ամենախոնարհ ձեկուցում.

Զերդ Սրբութեան 1924 թ-ի Յունիսի 19 N 413 կոնդակի համաձայն մեկնեցի Երեւանից դէպի Հեռատոր Արեւելք՝ այցելելու տեղի ցրում Կայութեան: Ծանապարհին միայն Սամարայում իմացայ, որ Մոսկուայից առանց վիզէ՝ ստանալու անկարելի է Սիրերիայից անցնել Զինաստան, ուստի եւ շտապեցի Մոսկուա, որտեղ երկու ամսից յետոյ միայն բազմաթիւ դիմումներէս հետեանքով հնարատրութիւն ունեցայ վիզէ ստանալու եւ Սեպտեմբեր ամսի սկզբին Սիրերիայի ճանապարհով ուղեւորութեցի Մանժուրիա:

Սեպտեմբերի 25ի առաւօտեան Զինաստանի Մանժուրիա քաղաքը հասայ. ամբողջ Հայ համայնքը եկել էր կայարանի դիմատրելու: Այդտեղի Հայութեան թիւն է 130 շունչ: Բոլորը առեւտրականներ եւ կալուածատէրեր, գլխաւորապէս քաղաքում տնատէրեր են, ունեն ազգային տուն, սեփական շէնքով, նոփրում Թաղէոս Սիրունեանի² կողմից, կայ ազգային կոմիտէ՝ նախագահութեամբ Նոյն Թ. Սիրունեանի:

Մնացի այդտեղ մէկ ամիս, այդ ժամանակամիջոցում նկատեցի, որ տեղական համայնքը ապրում է գժտւած, պառակտւած, խռով միմեանցից, դատարաններում գործերը թափւած: Ինձ յաջողւեց ոչ միայն հաշտեցնել գժտւածներին, այլ եւ շատերը Չինական դատարանից հանում էին գործերը եւ յանձնում իմ տնօրէնութեան:

Յիշեալ համայնքը կրօնական միութեանից միանգամայն զուրկ էր: Խարբիների քահանան գալիս է միայն Ձատկին եւ Ջորինեաց տօներին եւ միմիայն նրանց տները, որոնք ընդունում էին այդ քահանային: Կային երեխաներ 8-9 տարեկան, որոնք մկրտուած չէին՝ քահանայի հետ գժտւած լինելու կամ քահանայի պահանջած տուրքը չվճարելու պատճառներով:

Ժամերգութեան ժամերին լցում էին ազգային տունը, եւ իմ մի ամսեայ ներկայութիւնը Մանժուրիայում տօնական օրեր էին տեղական Հայ Գաղութի համար:

Հոկտեմբերի 29ին արդէն Խարբինումն էի: Մի քանի կայարան ընդառաջ էին եկել դիմաւորելու ծխատէր Ռոստոմեան քահանան³ եւ կոմիտէի կողմից թժ. Միղդիսեան⁴ եւ Նազարեան⁵: Խարբին կայարանում սպասում էին համայնքի մեծագոյն մասը: Տասնեակ օտոմոբիլների շարքը ուղեկցում էր ինձ դէպի Հայոց եկեղեցին: Եկեղեցում կատարուեց Հայրապետական մաղթանք: Բազմաթիւ ժողովուրդը լցել էր եկեղեցին՝ ողջունելու Ս. Էջմիածնի ներկայացուցչին:

Մաղթանքից յետոյ պատրաստուած էր ճաշ քահանայի բնակարանում, նկատեցի, որ ներկայ եղողների մեծագոյն մասը հեռացաւ եկեղեցուց, ճաշին մնացին մի քանի հոգի միայն, թէւ պատրաստութիւն տեսնւած էր 100 հոգու համար: Յետոյ պարզեց, որ հեռացողները քահանայի հետ գժտւածներն էին, որոնք ո՛չ եկեղեցի են յաճախում եւ ո՛չ էլ ցանկացան այն բնակարանը մտնել, որտեղ քահանան է ապրում:

Երեք ամիս մնացի Խարբինում, որտեղ համայնքի խնդրի համաձայն անցկացրի նաեւ Ջորինեաց տօները: Մինչեւ իմ գնալը տօները կատարելիս են եղել հին տոմարով, Ջորինեաց տօները իմ կարգադրութեամբ տօնեց նոր տոմարով շատ մեծ դժարութեամբ, որովհետեւ հակառակում էին Ռոստոմեան քահանան եւ կոմիտէն թժ. Միղդիսեանի նախագահութեամբ:

Այդ ժամանակամիջոցում մանրամասնութեամբ ծանօթացայ Խարբինի հայութեան կրօնական-հոգեւոր կեանքի հետ: Ինձ վրայ շատ ծանր տպաւորութիւն թողեց Խարբինը իր բազմամարդ, շուրջ 570 շնչից՝ կովկասահայերից-տաճկահայերից-ամերիկահայերից եւ պարսկահայերից կազմած համայնքով:

Հայերի մեծագոյն մասը առեւտրականներ եւ երկաթուղային պաշտօնեաներ են, որոնց մէջ կան բարձրագոյն կրթութիւն ստացած անհատներ՝ ճարտարապետներ, բժիշկներ, փաստաբաններ եւ այլն: Բոլորը սառած

Հայոց եկեղեցուց՝ կրօնական մխիթարություն ստանում էին Ռուս եկեղեցուց:

Ամբողջ հայութիւնը սրտաբաց ընդունեց ինձ, յայտնեցին իրենց ցանկութիւնը, բողոքեցին իրենց կրօնական անմխիթար վիճակի մասին, շատ ու շատ գանգատներ լսեցի Ռուստոմեան քահանայի մասին, ինքս ականատես եղայ շատ երեւոյթների, եկայ այն եզրակացութեան, որ բոլոր չարիքի պատճառը Ռուստոմեանն է, որին քահանայ անուանելը մեծ թիւրիմացութիւն է: Որքան շուտ հեռանայ այդ «ցեցը» հայութեան միջից, այնքան մեծ բարիք է Հեռու Արեւելքի Հայութեան համար եւ քանի Ռուստոմեանը հարբիւնումն է կամ Հեռու Արեւելքում, Հայութիւնը կտրած կը լինի իր եկեղեցուց եւ նեթակայ օտար եկեղեցիների⁶:

Խարբիւնում հրաւիրեցի ժողովի բոլոր կանանց, կազմակերպեցի կանանց կոմիտէ, յորդորեցի աջակցել եկեղեցու բարեգարդութեան, հրաժարեցին եկեղեցուն որեւէ կերպով աջակցելուց, քանի Ռուստոմեան քահանան իր ընտանիքով ապրում է եկեղեցու շինութեան մէջ եւ քահանայ է համարում եկեղեցու:

Այս մասին անելի մանրամասն պատիւ կ'ունենամ զեկուցելու Ձերդ Վեհափառութեան առանձին յայտարարութեամբ, թէեւ համառօտ կերպով Խարբիւնի հայութեան կրօնական ծանր վիճակի մասին ես իր ժամանակին զեկուցել եմ դեռ Խարբիւնից:

Խարբիւնում ժողովուրդը անելի մօտիկից ճանաչելով ինձ՝ անելի էր կապում ինձ հետ, իսկ դրա հակառակ մի փոքրիկ խմբակ Ռուստոմեան քահանայի հետ ամեն տեսակի որոգայթներ էին լարում ինձ վարկաբեկելու եւ իմ գործը անյաջողութեան մատնելու: Այս նկատելով՝ ժողովուրդը ընդհանուր ժողով գումարեց եւ որոշեց Ռուստոմեան քահանային ընդ միշտ հեռացնել Խարբիւնից որպէս մի «չարիքի» Հեռաւոր Արեւելքում:

Դառնացած, հոգեկան ծանր տպաւորութեան տակ ես հեռացայ Խարբիւնից⁷:

Նոյեմբերի 24ին Չան-Չուն քաղաքումն էի, որտեղ ապրում են 53 շունչ հայեր, գլխաւորապէս Կովկասցիներ, որոնք պարապում են մասնաւորապէս «սեւ ապրանքի» (թիրաք) առեւտրով:

Այստեղ ես շնորհիւ այս միատեսակ առեւտրի, շատերը կուած, խռով, միմեանց վնասելիս. ինձ յաջողեց բոլորին էլ հաշտեցնել եւ ժամերգութիւն կատարելով բոլորին հաւաքել միատեղ եւ միութիւն առաջ բերել: Նկատեցի, որ բոլորն էլ գիւղացիներ են, անգրագէտ կամ կիսագրագէտ:

Փետրւարի 21ին 1925 թ. Մուգդէնումն էի. տեղական 30 շնչից բաղկացած նիւթականապէս բոլորովին աղքատ համայնքը ընդունեց ամենաջերմ սիրով. այստեղ ժամերգութիւն կատարելով, 2 օրից յետոյ մէկնեցի Կորէա թերակղզու վրայով դէպի Ջափոնիա⁸:

Փետրւարի 26ին Կորէ քաղաքումն էի, որտեղի փոքրաթիւ Հայ գաղութը գլխաւորութեամբ Տիկ. Դիանա Աբգարեանի⁹ ցոյց տուեց ինձ ամենասր-

տագին վերաբերմունքը. ինքը՝ Տիկ. Աբգարեանը, չնայած իր պատկառելի տարիքին, շտապել էր «ամբողջ գաղութի հետ ծաղկեփունջով դիմաորելու եւ իր խորին յարգանքները մատուցանել Ս. Էջմիածնի ներկայացուցիչին»:

Ամբողջ Զափոնիայում ապրում են գլխաւորապէս նորջողայեցիներ՝ 4 ընտանիք Կորէում, 3 ընտանիք Տոկիոյում եւ 1 ընտանիք Արիմա ամառանոցում¹⁰ ընդամենը 8 ընտանիք 30 շնչով:

Տոկիոյում ոմն Էրզրումցի Յովհաննէս Ղեւնեան¹¹, որը երկար տարիներ ապրում է Զափոնիայում, ունէր Զափոնուտի կին¹² եւ երեք աղջիկ¹³, որոնք դեռ մկրտած չէին: Կինը՝ Յուրուկո Միակոզաւան եւ Քիմիկո, Եւգենիա եւ Լիլի¹⁴ աղջիկները մկրտեցին իմ ձեռքով՝ ընդունելով Հայադաւանութիւն, իսկ Յովհաննէս Ղեւնեանը եւ Յուրուկո Միակոզաւան պսակեցին Հայոց եկեղեցու ծէսով:

Մարտի 13ին Չինաստանի Հոնգկոնգ քաղաքում էի, դիմաւորելու եկել էին Հայկ եւ Տիգրան Գրեգորի եղբայրները ամբողջ ընտանիքով: Սոքա յայտնեցին, որ Հոնգկոնգի քնակիչ Հայազգի յայտնի Սըր Խ. Պոլ Չէտէրը (Խաչիկ Պօղոսեան Ծատուրեան¹⁵) խնդրել է, որ ես Հոնգկոնգում ապրեմ իր ծախքով եւ այցելեմ իրեն: Մարտի 14ին ներկայացայ Սըր Պոլ Չէտէրին, որի մասին իր ժամանակին Հոնգկոնգից գրաւոր զեկուցել եմ Ձերդ Սրբութեանը: Հոնգկոնգում ապրում են ընդամենը 19 շունչ Հայեր, բացառապէս Նոր Զուլայից գաղթած:

Հոնգկոնգից ուղեւորեցի Զաւա կղզին: Ապրիլի 4ին արդէն Բատաւիա¹⁶ քաղաքում էի, որտեղ Ծաղկազարդի Կիւրակէ Հայոց եկեղեցում¹⁷ պատարագեցի: Ներկայ էին 12 երկսեռ աղօթողներ, իսկ առաւօտեան ժամերգութեան ներկայ էր միայն 1 հոգի, որը եկեղեցու բակումն էր ապրում: Եկեղեցու ծխատէր Դափթ քահ. Մարգարեանը¹⁸ յայտնեց, որ այդ 12 աղօթողները եկել էին ի պատիւ իմ գալստեան: Ուրիշ կիրակի այդքան էլ չեն գալիս:

Ինչպէս ամեն տեղ, Բատաւիայումն էլ այցելութիւններ կատարեցի եւ մօտիկից ծանօթացայ տեղական հայութեան հետ: Ընդամենը 40 շունչ հայութիւն կայ՝ այլասերած¹⁹ եւ կորցրած թէ՛ լեզուն եւ թէ՛ ազգային սովորութիւնները: Երկու ընտանիք գտայ՝ Պօղոսեան եւ Ստեփանոսեան, որտեղ խօսում էին հայերէն: Քահանան՝ Տ. Դափթ Մարգարեան, մի տգէտ անձնատրութիւն, չէ համապատասխանում տեղական շրջապատի պահանջներին: Նա հովում է ինչպէս Զաւա կղզու, նոյնպէս եւ հարեան կղզիներում գտնած Հայութեան:

Բատաւիայի եկեղեցին կառավարում է մի վարչութեամբ, որը 1924 թից ընտրում է ամբողջ Զաւայի քաղաքներից եկած պատգամաւորների կամ նրանց ներկայացուցիչների քվէներով:

Այս առթիւ կազմել է նոր կանոնադրութիւն, որի համաձայն առանց Սուրաբայա քաղաքի ընդհանուր ժողովի որոշման իրաւունք չունեն եկեղեցական որեւէ գումար ծախսելու: Եկեղեցին ունի կալածքներ, որի ար-

դիմնքով կառավարում է թե՛ եկեղեցին, եւ թե՛ կարօտեալներին նպաստ է տրուած:

Ձատկական տօներին արդէն Սուրաբայա քաղաքումն էի, որտեղ ապրում են 350 շունչ հայեր՝ բացառապէս նորջուղայեցիներ: Եկեղեցի չունենալու պատճառով ստիպւած եղայ միայն Ձատկի երկուշաբթի մեռելոցին պատարագ մատուցանել բողոքականաց եկեղեցում, իսկ միա Կիւրակէ օրը՝ անգլիական եկեղեցում: Հայրենիքի եւ եկեղեցու կարօտ ժողովուրդը լցում էր եկեղեցին, կազմել էին երգեցիկ խումբ իմ այցելութեան առթիւ եւ երգեհոնի նագակցութեամբ երգում էին Եկմալեանի պատարագը:

Սուրաբայում մնացի 22 օր. այդ ժամանակամիջոցում մանրակրկիտ կերպով կարողացայ ծանօթանալ նրանց կրօնական, բարոյական եւ տնտեսական կեանքի հետ, տեսայ, թէ ինչպէ՛ս կարօտ են կրօնական խօսք լսելու, կլանում էին Ս. Էջմիածնի եւ Հայաստանի մասին տաճօ գեկուցումները, այս առթիւ երեք անգամ «Կոնկորդիա» ակումբի դահլիճում հաւաքոյթ եղաւ:

Սուրաբայի Հայութիւնը ունի դպրոց 45 աշակերտ-ուսիներով եւ 3 ուսուցիչ-ուսիներով, ղեկավարութեամբ Յորդանան Յորդանանեանի, այդ դպրոցի պատույ նախագահն էր Գէորգ Աբգարը²⁰: Ներկայ եղայ դպրոցի դասաւանդման, շատ գնահատիչ տպատրութիւն թողեց: Պարապմունքները տեղի էին ունենում ճաշից յետոյ Անգլիական դպրոցի շէնքում: Իմ ներկայ լինելու օրը տեղի ունեցաւ մրցանակաբաշխութիւն դպրոցական պիտոյքներից: Դպրոցը 4-դասեան է, դասաւանդում է կրօն եւ միա առարկաները Հայերէն լեզուով:

Բացի դպրոցից Հայ երիտիասարդական միութիւնը ունի «Սպորտ-կլուբ» իր խաղադաշտով, որը մի ընդարձակ եւ կանաչազարդ դաշտ է քաղաքի մի ծայրին յատուկ շէնքով եւ ծաղկանոցով: «Սպորտ-կլուբը» ունի իր վարչութիւնը՝ նախագահութեամբ Մկրտիչ Յակոբեանի²¹: Վարչութիւնը հրատարակում է Հայկական սպորտային կեանքից ժողովածու պատկերազարդ գրքոյկներ:

Իմ այցելութեան առթիւ կազմակերպուեց Էջմիածնին օգնող յանձնա-ժողով նախագահութեամբ պ. Հայրապետ Յակոբեանի, որոնք խոստացան պարբերաբար հնարատրութեան սահմաններում իրենց գաղութի կողմից օգնութիւն ցոյց տալ Ս. Էջմիածնին: Այդ եւ ընդհանուր ժողովում իմ ներկայութեամբ որոշուեց հիմք դնել Սուրաբայա քաղաքում հայկական ազգային տան, որի մէջ տեղատրուելու են ե՛ւ Աղօթատունը, ե՛ւ դպրոցը, ե՛ւ այլ ազգային հաստատութիւններ: Միաձայն պատույ նախագահ ընտրուեց իր ներկայութեամբ եւ համաձայնութեամբ Գէորգ Աբգարը:

Հրաիւրեցի նաեւ կանանց ընդհանուր ժողով, որտեղ բացատրեցի կանանց կոմիտէի անհրաժեշտութիւնը եւ կատարելիք դերը այսքան բազմամարդ համայնքի մէջ, որի առթիւ ընտրուեց մի կոմիտէ Տիկ. Բալասան

վարդանեանի նախագահութեամբ, մշակեց կանոնադրութիւն եւ առաջարկեց ինձ ի հաստատութիւն:

Սուրաբայայում ոգետրութիւնը այնքան բոտն էր, տպատրութիւնը այնքան զօրեղ, որ վերադառնալու լուսաբացին կայարան էին եկել ամբողջ գաղութը, ծեր եւ մանուկ, կին եւ տղամարդ՝ վերջին անգամ իրենց յարգանքը մատուցանելու Էջմիածնի նուիրակին ծաղկեփունջեր նուիրելով: Գնացքը շարժեց, դեռ երկար ժամանակ լսում էր կեցցէների ծայները:

Վերադարձիս կանգ առայ Բանդուգ քաղաքում, որտեղ ապրում են 6 ընտանիք՝ 11 շունչ ջուղայեցիներ: Տեսնեցի բոլորի հետ եւ 2 օրից Բատաւիս վերադարձայ:

Մայիսի 11ին Սինգապուրում էի: Սպասում էին, թէ ո՞վ է եկողը, որի մասին ինչ-որ նամակ էր ստացել եկեղեցու Հոգաբարձութիւնը եւ իրենց կողմից նախագգուշացրել էին թէ՛ Բատաւիայի եւ թէ՛ Սուրաբայայի իրենց ազգականներին եւ ծանօթներին: Սինգապուրի Սարգիս քահ. Սարգսեանն ինձ յայտնեց, որ ոչ մի յոյս չկայ Սինգապուրի հայութիւնից, որովհետեւ այդ նամակից յետոյ ընդհանուր տրամադրութիւնն է ծեռնալաւ մնալ որեւէ օգնութիւն ցոյց տալուց: Սակայն ես չյուսահատուեցի, Կիւրակի օրը պատարագեցի եւ հրափրեցի ընդհանուր ժողովի, որտեղ որոշեց անպայման օգնութեան գալ ինձ, եւ Հոգաբարձութեան նախագահ Կոստանդին Էդգեարը, որը նախագգուշացրել էր յիշածս քաղաքների իր ծանօթներին, ոչ միայն ինձ օգնութեան հասաւ, այլեւ ի դիմաց տեղական գաղութի խնդրում էր, որ ես համաձայնեմ մնալ իրենց մօտ մշտական հովի:

Սինգապուրը ունի 82 շ[ունչ] հայ գաղութ, Հայոց եկեղեցին շինած է քաղաքի կենտրոնում գլխատր փողոցի վրայ²², ունի ընդարձակ կանաչազարդ բակ եւ երկարկանի շէնք քահանայի համար: Գտայ եկեղեցին շատ բարեզարդ, մաքուր եւ վայելուչ պահպանած, վիճակատր Սարգիս քահ. Սարգսեանը, որ այն օրերում իր ժամանակը լրանալու պատճառով պիտի հեռանար, կանգնած է քահանայական կոչման բարձրութեան վրայ:

Սինգապուրից վերադարձայ Շանհայ, որտեղ ապրում են 60 շունչ հայ, մեծագոյն մասը գաղթականներ Հայաստանից, որոնք Ամերիկա գնալու ճանապարհին մնացել են եւ ընկել ամենաաղքատ վիճակում: Մի հայ կաթոլիկ ընտանիք միայն՝ Պետրոս Չակալեան, որը սիրայօժար կերպով հոգաց իմ ապրուստի եւ ճանապարհի ծախքը իր անձնական միջոցներից եւ միշտ յուսադրում էր ինձ Շանհայի անկարգութիւնների օրերում²³, որի պատճառով ստիպած եղայ 20 օր մնալ Շանհայում:

* Յունիսի 22ին Թիանզին հասաւ, այստեղի 4 շ[ունչ] Հայութիւնը բացառապէս տաճկահայեր են՝ եկած Ամերիկայից, գորգավաճառ Ամերիկահայերի ներկայացուցիչներ են, կրթած համալսարանական կրթութեամբ, կապած կրօնով ազգի, Հայրենիքի եւ Մ. Աթոռ Ս. Էջմիածնի սիրով տոգորած: Այստեղ ժամերգութիւն կատարեցի բողոքականաց եկեղեցում: Իրենց ցանկութեանը ընդառաջ գնալով խօսեցի Էջմիածնի վիճակի մասին,

ու տեղական ժողովը որոշեց հանգանակել մի գումար եւ յատկացնել էջ-միածնի սեղանատան կարիքներին:

Թիանզինի հայութիւնը չնայած ստացել էր մասնատոր նամակ իմ վերաբերմամբ, բայց լաւ ճանաչելով նամակի հեղինակներին՝ արհամարհեց նրանց եւ ցոյց տուց ինձ ամենաջերմ ընդունելութիւն:

Թիանզինից ուղեւորեցի Զափոնիայի վրայով դէպի Վաղիվոստոկ: Յուլիսի 20ին արդէն Վաղիվոստոկում էի: Տեղական հայութիւնը շրջապատեց ինձ: Կեանքի ծանրութեան տակ ճնշւած, աղքատ վիճակում, հագի գոյութիւնները քարշ տուղ, ցնցոտիների մէջ մօտ 42 տուն՝ 100 շունչ ունեցող գաղութը կարօտ էր իր հայ եկեղեցականին տեսնելու եւ ժամերգութիւն լսելու: Ունէին աղօթատուն քայքայած վիճակում, եկեղեցական զարդեր, գրքեր եւ զգեստներ: Պատմում էին իրենց տխրահուցակ Ռոստոմեան քահանայի «քաջագործութիւնների» մասին, եւ թէ ինչպէս այդ բարի եւ լաւ քրիստոնեայ ժողովուրդը ստիպւած է եղել այդ չարիքը վերացնել՝ հեռացնելով ընդմիջտ Վաղիվոստոկից: Խնդրում էին, որ քահանայ ուղարկեն իրենց համար, սակայն ո՛չ Ռոստոմեանի նման, այլ քահանայ բառի իսկական հասկացողութեամբ: Ընդհանուր ժողովում կային նաեւ կոմմունիստներ, որոնք նոյնպէս գտնում էին, որ Հեռու Արեւելքի Հայութեանը ի մի հաւաքել եւ ազգային կենտրոն դարձնել կարող է միայն եկեղեցին իր արժանատւոր գիտակից քահանայով, որը գրաւելով եկեղեցու շուրջը հայ գաղութը՝ կը կարողանայ կազմակերպել գաղութային օրինակելի կեանք՝ կապած ընդհանուր հայութեան հետ:

Վաղիվոստոկից անցայ Սիբերիայի գլխատւոր քաղաքները, որտեղի հայութիւնը ոչնչով չէր տարբերում Վաղիվոստոկի գաղութից: Բոլորն էլ առեւտրականներ, արհեստատուներ, տիրող պետական օրէնքների տակ ճնշւած, քայքայած սոսկալի տուրքերի շնորհիւ, ով հնարատրութիւն է ունեցել, հեռացել է տեղից, ով մնացել է, նա չի կարողացել հեռանալ:

Այսպիսով, Նիկոլսկ-Ուսուրիյսկի քաղաքում ապրում էին 56 շ[ունչ], Խաբարովսկ՝ 55 շ[ունչ], Բլազովշչենսկ՝ 42 շ[ունչ], Զիտա՝ 50 շ[ունչ], Իրկուտսկ՝ 125 շ[ունչ], Իննոկենտեակ (Իրկուտսկու արարածան)՝ 34 շ[ունչ], Օմսկ՝ 59 շ[ունչ], Չերեմուխով՝ 21 շ[ունչ], Նիկոլաեւսկ՝ 15 շ[ունչ]: Վերջին երկու քաղաքները չեմ այցելել:

Ամբողջ Արեւելքի Հայ Գաղութներին այցելելիս նկատում էի այն ջերմ ընդունելութիւնը, որ ցոյց էին տալիս ինձ, կարօտ էին մի հոգեւորականի, որին ընդունեն հարազատի պէս: Հիւրասիրում էին, պատում, բոլորն էլ ցանկանում էին, որ ես իրենց մօտ լինեմ, իրենց հացը օրինեմ: Ես էլ կատարում էի նրանց բոլոր կրօնական պահանջները: Բոլոր քաղաքներում նշխարք էի գործում, տները այցելում, օրհնում հացն ու աղը, նշխարք նուիրում:

Եկեղեցիներում, չեղած դէպքերում՝ մասնատու բնակարաններում ժամ էի ասում, հրափրում բոլորին, քարոզում էի, մխթաքրում: Քաղաք չի եղել,

որտեղի հայրութիւնը չհաղորդւէր, ականատես էի լինում, թէ ինչպէս ժամերգութեան «Առաւօտ լուսոյ», «Լոյս զուարթ», «Տէր ողորմեա» երգելիս զգացում էին եւ արտասում:

Ուրախութեան հետ դժգոհում էին, թէ ինչո՞ւ այսքան ժամանակ էջմիածինը չէ յիշել իրենց, թէ ինչո՞ւ՝ զրկած են եղել հոգետոր մխիթարութիւնից:

Նկատեցի նաեւ այն խոշոր կրօնական մրցումը, որ գոյութիւն ունի Հեռատոր Արեւելքում: Կաթողիկէներ, բողոքականներ, պրատսլաւներ²⁴ եւ այլ կրօնական համայնքներ իրենց քարոզներով, վայելիւշ երգեցողութեամբ բարեգարդ եկեղեցիները եւ աղօթատները գրաւում են դէպ իրենց շատ հայերի եւ զարմանալի չէ, որպիսի հանգամանքը անպայման հետեանք է այն անտարբերութեան, որ ունեցել է դէպի այդ կրօնասէր եւ հայրենասէր ժողովուրդը հոգետոր կենտրոնը կամ անելի ճիշտը՝ թեմական իշխանութիւնը:

Մի տեղի քահանան տգէտ, միայն Մաշտոցը ձեռքին մեռել թաղելու ընդունակ, իսկ մի այլ տեղի քահանան, ինչպէս Խարբինի Ռոստոմեանն է, մեծ ինտրիգան եւ անբարոյական, որի շնորհիւ Հեռու Արեւելքի Հայութիւնը Բացարձակապէս հեռացել է Հայոց եկեղեցուց: Քանի-քանի մկրտութիւններ կատարուել են Ռուս եկեղեցում, քանի պսակներ՝ Ռուս քահանայի ձեռքով: Նոր սերունդը, որ մեծանում է օտար հորիզոնի տակ, նա չի ստանում Հայոց եկեղեցում որեւէ կրօնական մխիթարութիւն եւ հեշտութեամբ ընկնում է թէ՛ կուլտուրապէս զօրեղ եւ թէ՛ կրօնապէս վայելիւշ համայնքի ծոց եւ օտարանում Հայոց եկեղեցուց:

Հարաւային կղզիների Հայ Գաղութները, ինչպէս վերը յիշեցի, բացարձակապէս նորջողայեցիներից, իսկ Հեռու Արեւելքի եւ Սիբերիայի Հայ Գաղութը բաղկացած է կովկասահայերից եւ տաճկահայերից, որոնք մեր գաղթականութեան սեւ օրերին հեռացել են Սիբերիայի խորքերը, Ամերիկա անցնելու նպատակով եւ մնացել են Սիբերիայում: Այս տարբեր երկրների ժողովուրդին, տարբեր քնատրութեամբ եւ հասկացողութեամբ, կապողը միայն եկեղեցին է եւ հոգետրականը, այդ էր պատճառը, որ իմ շուրջը խմբուեցին, փառատոր ընդունելութիւններ սարքեցին, արտայայտեցին իրենց սրտի զգացմունքը, զգացին, որ Ս. Էջմիածինը որպէս գորովագութ մայր չէ մոռացել իրենց եւ խղճի հանգստութեամբ կարող եմ արտայայտել, որ իմ այցելութեամբ մի բարոյական մեծ կապ ստեղծեց Հեռու Արեւելքի եւ Ս. Էջմիածնի մէջ եւ սպասում են, որ ապագայում եւս այս կապը պէտք է չընդհատուի եւ իրենց կրօնական կեանքը հարթի եւ անելի կապուեն * Հայաստանեայց եկեղեցու հետ, մանաւանդ շատերը ամուսնացել են Ռուս եւ այլ ազգութեան կանանց հետ, ունեն գաւակներ եւ ենթակայ՝ շատ հեշտութեամբ հեռանալու Հայոց եկեղեցուց, եթէ Էջմիածինը Հեռու Արեւելքի կրօնական կեանքը թողնէ այժմեան վիճակում: Իմ խորին համոզմամբ, պէտք է անմիջապէս հեռացի Արեւելքից Ռոստոմեան քահանան՝ նշանա-

կելով մի պատկառելի քահանայ կամ վարդապետ եւ պէտք է այսպիսի այցելութիւններ կատարեն 2-3 տարին մի անգամ:

Այցելած քաղաքներում աւելորդ չէի համարում ներկայանալ տեղական կառավարութեան ներկայացուցիչներին, որոնք ցոյց էին տալիս սիրալիր ընդունելութիւն: Պեկինում ներկայացայ խորհրդային իշխանութեան դեսպան Լետն Կարախանին²⁵, որը իր սիրալիր ընդունելութեամբ ինձ ցոյց տուեց մեծ աջակցութիւն՝ վերադառնալու խորհրդային իշխանութեան սահմանները:

Ճանապարհին Սինգապուրից մինչեւ Շանհայ վերադառնալիս նաւում ծանօթացայ անգլիական թագաւորի կրտսեր որդու՝ պրինց Գէորգի²⁶ հետ, որը 9 օրան ընթացքում ցոյց էր տալիս ինձ ուշադիր վերաբերմունք եւ սիրալիր հիւրասիրութիւն: Պրինց Գէորգը բաժանելուց առաջ նուիրեց ինձ իր մեծադիր նկարը՝ խնդրելով իմ նկարը, որ եւ յանձնեցի²⁷:

Վերոգրեալը գեկուցանելով մնամ Ձերդ Վեհափառութեան ամենախոնարհ որդի եւ ծառայ՝

Ռուբէն ծայրագոյն վարդապետ

15 Դեկտեմբեր 1925 թ.

Ս. Էջմիածին

ԾԱՆՕԹԱԳՐՈՒԹԻՒՆՆԵՐ

¹ Visa - ֆրնս., մուտքի արտօնագիր:

² Թադէոս Մկրտչի Սիրունեան (Տարաս Նիկիտի Սուրինով, 1883, Ախալցխա-1930), արդիւնաբերող, գործարար, ունեցել է գործարաններ եւ տներ Մանջուրիա քաղաքում եւ Չոյբալսանում (Մոնղոլիա): 1929ին Մոնղոլիայում ձերբակալուել է համայնավարների կողմից եւ ամիսներ անց գնդակահարուել:

³ Եղիշէ (Արտաշէս) քահանայ Ռոստոմեանը (1868, Ներքին Ագուլիս-1932, Հարբին), 1910ին հաստատուել է Վլադիվոստոկում, 1918ին՝ Հարբինում (Խարբին)՝ դառնալով չինահայութեան հոգեւոր առաջնորդը:

⁴ Ստեփանոս Գասպարի Մղտեսեանը (Մղդեսեան, Միգդիսով, 1867, Թեւա-1933, Հարբին), Հարբինի Հայ Ազգային Վարչութեան նախագահ, թշկական վերատեսուց, որոշ ժամանակ ղեկավարել է Հարբինի առողջապահական գործը:

⁵ Հաւանաբար՝ Վարդան Նազարեան:

⁶ Մինչդեռ չինաքնակ Լետն Մելիք-Օհանջանեանը Հայաստանում ապրող մօրը գրած նամակում վկայել է. «Ռուբէն վարդապետի ուրը կոպրուէր այսպիսի չգար: ... այդ վարդապետը իր կեանքով ու վարքով մեզ խայտառակեց, իսկ խեղճ տրտմանի դէմ... այնպիսի ինտրիգներ սարքեց, որ ժողովուրդը երկու մասի բաժանեց» (ՀԱԱ, ֆ. 409, ց. 1, գ. 4709, թ. 15):

⁷ Իսկապէս սկզբում չինաքնակ հայերը լաւ են ընդունել Մանասեանին: Մանջուրիայի հայերը 1924ի Հոկտեմբերի 20ին կաթողիկոսին շնորհակալական նամակ են յղել Թադէոս Սիրունեանն եւ Համազասպ Պսակեանը՝ գոհունակութիւն յայտնելով իրենց քաղաքում Էջմիածնից պատուիրակ ունենալու համար: Սակայն նոյն Պսակեանը յետագայում իր յուշերում պիտի արձանագրէր, որ Ռուբէն

վարդապետը սաղրիչ գործունեութիւն է ծառայել Մանգուլիոյն եւ Հարքինոյն՝ նպատակ ունենալով Շայրագոյն Արեւելքը դարձնել առանձին թեմ եւ դառնալ թեմի առաջնորդ: Սկսուել է մի տգեղ պայքար, փոխադարձ ատելութիւն հարքինահայերի մէջ, համայնքը բաժանուել է վարդապետականների եւ ոչ-վարդապետականների. առաջինները ոչ միայն իրենց զաւակներին դադարեցրել են ուղարկել հայկական դպրոց, որտեղ դասաւանդում էր Ռոստոմեանը, այլեւ փորձել են փակել վարժարանը, որտեղ երեխաներն անվճար կրթութիւն էին ստանում: Երկու կողմերը շարունակաբար էջմիածին են ուղարկել բողոքագրեր. մի մասը ծանր մեղադրանքներ է ներկայացրել Ռուբէն վարդապետին, որը ծխատէր քահանայից խլել է նրա օրոյայ հացը՝ մկրտութեան եւ պսակի արարողութիւնները, կատարել անօրինական գործողութիւններ: Միւս կողմը եւ Ռուբէն վարդապետը պախարակել են Ռոստոմեան քահանային (Արծուի Բախսիւնեան, Հայերը Չինաստանում. Հայ-Չինական Պարամշակութային Կապերը, Երեւան, ՀՀ ԳԱԱ Պատմութեան Ինստիտուտ, 2017, էջ 140-2):

- ⁸ Այստեղ, Մուկղէնի «Միակօ» հիւրանոցի տնօրինութիւնը հեռացրել է Ռուբէն Վրդին, մեղադրելով նրան բռնաբարական արարքի մէջ: Նա մեկնել է յաջորդ օրը՝ չվճարելով կեցութեան համար եւ թողնելով իր իրերը, եւ անցել Կոբէ (Ճապոնիա): Միջադէպի մասին պաշտօնապէս հաղորդել է Մուկղէնի ոստիկանութեան ղեկավար Ֆուցիհարան՝ հիմնուելով ճապոնացի սպասուհիների պատմածների վրայ, եւ լուրը չին ու ճապոնական մամուլին սփռել է Հեռատուր Արեւելքի Հեռագրական Գործակալութիւնը: Այս մասին գրել է նաեւ Հարքինի *Տրիբունա* ռուսալեզու թերթը («Скандал с Армянским Архимандритом: Архимандрит Рубен Попытался Изнасиловать 18-летнюю Японку (Գայթակցութիւն հայ արքեպիսկոպոսի հետ. արքեպիսկոպոս Ռուբէնը փորձել է բռնաբարել 18ամեայ ճապոնուհուն), *Труды*, 1, 03, 1925: Ռուբէն վարդապետը Կոբէից բողոքագիր է յղել *Տրիբունայի* խմբագրութեանը՝ նշելով, որ դա զրպարտութիւն է: Հարքինի վարդապետականների թիւմը էջմիածին բողոքի նամակներ է գրել՝ պահանջելով նրա վերադարձը, մինչդեռ Հարքինի հայ համայնքի վարչութիւնը դիմում է յղել էջմիածին՝ պնդելով դատի տալ նրան՝ որպէս քրեական յանցագործի:
- ⁹ Դիանա Արզար (1857–1938), ճապոնաբնակ գործարար, անգլիագիր գրող, հրապարակախօս, հանրային գործիչ, 1920ին ՀՀ պատուատուր հիպատոս Շայրագոյն Արեւելքում:
- ¹⁰ Արիմայում քնակուել է Հայեան ընտանիքը:
- ¹¹ Յովհաննէս (Իան) Ղեւնեան կամ Սագոյեան (1888, Էրզրում–1952, Տոկիո), հացթուփ, հրուշակագործ, ստեղծել է այսօր Ճապոնիայում ազգային համարուող մելոնպան քաղցր հացատեսակը (Արծուի Բախսիւնեան, Հայ-Ճապոնական Պարամական եւ Մշակութային Առնչութիւնները, Երեւան, 2018, էջ 150-3):
- ¹² Յուրուօ Միակոգաւա (Յուրու Սագոյեան, 1888–1962):
- ¹³ Աւելի ետք ծնունդ է Սագոյեանների չորրորդ դուստրը՝ Աննան (յետագայում՝ Աննա Սմիթ, մահ. 1959, ԱՄՆ):
- ¹⁴ Լիլի Սագոյեան Ղեւնեանը եղել է ռադիոհաղորդավար, աշխատակցել Բոսթօնի Հայրենիք Ռիքլին:

- ¹⁵ Աւելի ճիշտ՝ Պօղոս Իսաչիկ Աստուածատրեան (1846, Կալկաթա–1926, Հոնկոնգ), մեծահարուստ, պետական, հանրային գործիչ: Մանասեան Վրդ-ին էջմիածնի համար յանձնել է 1000 անգլիական ոսկի:
- ¹⁶ Այժմ՝ Զակարտա:
- ¹⁷ Կառուցուել է 1854ին, քանդուել 1964ին՝ որպէս հոլանդական գաղութատիրութեան յուշարձան:
- ¹⁸ Դաւիթ Մարգարեանը 1923-26, 1929-34՝ եղել է Բատաւիայի հայոց եկեղեցու քահանան (Artsvi Bakhchinyan, "An Unpublished Research about the Armenians in Indonesia," Հայկազեան Հայագիտական Հանդէս, Հտր. Իե., 2003, էջ 404):
- ¹⁹ Այստեղ՝ ուժացած իմաստով:
- ²⁰ Ինդոնեզաբնակ գործարար, ՀԲԸՄ անդամ, ունեցել է ընդարձակ հողատարածքներ եւ գործարաններ, զբաղուել է տապիոկայի արտահանմամբ («Ջաահայերի Տնտեսական Կեանքը», Ալիք, 27 Հոկտեմբեր 1935):
- ²¹ Մկրտիչ Յակոբեան (1885, Նոր Զուղա–1971, Աստրալիա), մարզական եւ թատերական գործիչ: 1923ին հիմնել է Սուրաբայայի մարզական ակումբը:
- ²² Սինգապուրի Սուրբ Գրիգոր Լուսատրիչ եկեղեցին կառուցուել է 1834-35ին:
- ²³ Նկատի ունի 1925ի Մայիսին Շանհայում ճապոնացի ծառայողների կողմից չինացի գործիչի սպանութիւնը, որից յետոյ Շանհայի քաղաքային ոստիկանութիւնը Մայիսի 30ին ձերբակալել է այդ չինացու սպանութեան դէմ բողոքող 15 ուսանողների եւ նրանց ձերբակալման առթիւ ցուցարարների գնդակահարութիւնը:
- ²⁴ Ուղղափառներ (ռուսերէն):
- ²⁵ Լեւոն Կարախան (Կարախանեան, 1889-1937), խորհրդային պետական գործիչ, դիւանագէտ, 1923-1927՝ ԽՍՀՄ դեսպան Չինաստանում:
- ²⁶ Արքայազն Զորք, Քենթի դուքս (1902–42):
- ²⁷ Հանդիպումը տեղի է ունեցել «Մալվա» շոգենաւի վրայ. Մանասեանը Զորքին սովորեցրել է նուագել եւ երգել «Հայաստան» երգը («Հայերը Ծայրագոյն Արեւելքի Մէջ», Հայրենիք, 27 Սեպտեմբեր 1925):

ARCHBISHOP RUBEN MANASYAN'S REPORT ON THE ARMENIAN COMMUNITIES OF THE FAR EAST
(Summary)

Artsvi Bakhchinyan
artsvi@yahoo.com

The text is the report of Archbishop Ruben Manasyan (1886–1955) addressed to Catholicos Gevorg V (1847-1930) of Etchmiadzin, written in 1925 about his journey to Siberia and the Far East.

Manasyan particularly reports on the handful of Armenians living in the Far East cities of Russia, China, Japan, Singapore and Indonesia. He reports on their religious, educational and public activities as well as the prevailing atmosphere in the community and provides some demographic data.

The report contains rare information about the Armenian communities of the Far East.

